



Pou Piblikasyon Imedya: 28/09/2021

GOUVÈNÈ KATHY HOCHUL

GOUVÈNÈ HOCHUL ANONSE OGMANTASYON NAN AVANTAJ ALIMANTÈ POU NOUYOKÈ KI GEN REVNI FÈB YO

Fanmi yo ki nan Pwogram Asistans Nitrisyon Siplemantè a pral wè avantaj regilye mansyèl yo a ki ogmante anviwon 36 dola pou chak moun apati oktòb

Ranfòse avantaj yo pou pote plis pase 1.4 milya dola nan finansman federal siplemantè pou New York

Gouvènè Kathy Hochul te anonse jodi a ke tout Nouyòkè ki enskri nan Pwogram Asistans Nitrisyon Siplemantè (Supplemental Nutrition Assistance Program, SNAP) a pral wè nivo avantaj yo ki ogmante nan mwa k ap vini na akòz yon ajisteman nan depans federal la ki vize bay moun ak fanmi ki gen revni fèb yo pi bon aksè ak manje ki sen. An mwayèn, fanmi yo ki enskri nan SNAP, ke Biwo Asistans Tanporè ak Andikap eta a sipèvize nan New York, ap wè avantaj regilye yo ogmante nan anviwon 36 dola pou chak moun.

"Kounye a plis ke jamè, Nouyòkè yo wè lajan yo pou manje ap vin a chak fwa pi piti, sa ki an retou fòse yo fè chwa manje ki pi bon mache, men ki bokou mwens nitritif", **Gouvènè Hochul te deklare.** "Ogmantasyon nan avantaj yo t ap tann depi lontan sa a pral bay fanmi yo nan Eta New York pouvwa acha pou achte manje ki nitritif, ki an retou pral debouche sou rezulta ki pi sen".

Pwojè Lwa Agrikòl 2018 la ke Kongrè a te adopte egzije Depatman Agrikilti Etazini an pou re-evalye plan ki te itilize pou kalkile avantaj SNAP yo. Ane pase, ajans federal la te mennen yon revizyon plan sa a ki chita sou done yo, ki te lakòz yon ajisteman nan depans yo - premye a nan plis pase 45 ane - ki reflete chanjman notab nan mache alimantè a ak sikonsans konsomatè yo pandan ane yo ap pase.

Nan New York, yon fanmi nan kat pral wè avantaj yo ogmante soti nan yon alokasyon maksimòm 680 dola pou pase nan 835 dola nan kad nouvo plan an. Ogmantasyon an pral pote anviwon 1.4 milya dola nan lajan federal siplemantè nan Ane Fiskal Federal 2022 a.

Nouvo plan an te ajiste tou anwo montan dola dediksyon estanda ak alokasyon sèvis publik yo, ki pran an kont nan revni brit mansyèl yon fanmi pou detèmine elijibilite ak nivo avantaj yo. Nivo revni brit mansyèl la te ogmante tou pou reflete chanjman ekonomik yo pandan ane yo ap pase.

Lè nou ajiste nivo avantaj SNAP yo, USDA te evalye pri alimantè aktyèl nan tout eta a, sa Ameriken yo jeneralman manje, oryantasyon pou rejim ak eleman nitritif nan atik manje yo. Re-evalyasyon ajans lan te konkli depans pou yon rejim nitritif, pratik, ekonomik 21 poustan pi wo pase nivo maksimòm avantaj manje ki egziste yo pou fanmi SNAP yo.

Nan tout peyi a, apeprè nèf sou 10 patisipan SNAP te rapòte yo fè fas ak difikilte pou gen yon rejim ki sen, kote pifò difikilte komen yo rankontre se depans pou manje ki sen yo. Menm jan, etid yo kontinye montre ke nivo avantaj pou manje yo twò ba pou bay yon rejim ki reyalis, sen, menm lè fanmi yo ap kontribiye ak pwòp lajan pa yo pou achete nan makèt.

Apeprè 2.8 milyon fanmi nan Eta New York te enskri nan SNAP nan mwa jiyè a. Avantaj SNAP yo ede ankouraje tou ekonomi lokal ak eta a, dapre estimasyon gouvènman federal la, kote chak dola nan avantaj SNAP ki depanse yo debouche sou anviwon 1.59 dola aktivite ekonomik.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)